



SAKSPAPIR

Saksnr	Utval	Type	Dato
22/2021	Bygdeutviklingsutvalet	PS	16.11.2021

Sakshandsamar	Arkiv	ArkivsakID
Tore Henrik Øye	FE-231	21/1265

LØYVING AV BYGDEUTVIKLINGSMIDLAR TIL VØLING OG VEDLIKEHALD AV TURVEG MELLOM DALEGARDEN OG JOHAGEN

Vedlegg:

Søknad om bygdeutviklingsmidlar - Turvegen til Johagen

Kommunedirektøren sitt framlegg til vedtak:

Eldrerådet i Vaksdal kommune og pensjonistforeiningane på Dale og Vaksdal får tildelt inntil kr. 25 000,- i bygdeutviklingsmidlar til å vøle turvegen mellom Dalegarden og Johagen.

Løyvinga utgjer 78 % av søknadsbeløpet og "godkjend kostnad" på kr. 32 000,-.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå utvalet sine tilgjengelege midlar for 2021.

VILKÅR:

- Eventuell søknadsplikt etter plan- og bygningslova må avklarast før gjennomføring.
- Samtykke frå grunneigar må liggje føre før oppstart.

Tilskotet vert betalt ut på bakgrunn av sluttrapport med kostnadsdokumentasjon.

Sluttrapport skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende. Det kan søkjast om utsett frist.

Nytt første avsnitt ført inn i møteportalen av Ståle Hesjedal, Ap

Eldrerådet i Vaksdal kommune og pensjonistforeiningane på Dale og Vaksdal får løyvd inntil 32000kr til vøle av turvegen mellom Dalegarden og Johagen.

Bygdeutviklingsutvalet - Sak 22/2021

BYG - Behandling:

Mona Grenasberg stilte spørsmål ved sin habilitet i saka, då ho er medlem i Eldrerådet som er ein av to søkjarar. Utvalet vedtok samrøystes at Mona Grenasberg er ugild i medhald av fv.l. § 6 2. ledd, særeigne forhold.

Utvalet drøfta saka.

Ståle Hesjedal, Ap la fram følgjande alternative forslag:

Eldrerådet i Vaksdal kommune og pensjonistforeiningane på Dale og Vaksdal får løyvd inntil 32000kr til vøle av turvegen mellom Dalegarden og Johagen.

Kommuneidirektøren sitt framlegg til vedtak, vart sett opp mot Ståle Hesjedal sitt framlegg til vedtak.

Ståle Hesjedal, Ap sitt vedtak vart samrøystes vedteke.

BYG - Tilråding/Vedtak:

Eldrerådet i Vaksdal kommune og pensjonistforeiningane på Dale og Vaksdal får løyvd inntil 32000kr til vøle av turvegen mellom Dalegarden og Johagen.

Vedtaket er fatta med bakgrunn i «Retningslinjer for tilskot til bygdeutvikling». Løyvinga skal takast frå utvalet sine tilgjengelege midlar for 2021.

VILKÅR:

- Eventuell søknadsplikt etter plan- og bygningslova må avklarast før gjennomføring.
- Samtykke frå grunneigar må liggje føre før oppstart.

Tilskotet vert betalt ut på bakgrunn av sluttrapport med kostnadsdokumentasjon.

Sluttrapport skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende. Det kan søkjast om utsett frist.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 210 000,- til fordeling ved søknadsomgangen i oktober 2021.

Eldrerådet i Vaksdal kommune med fleire, søker om kr. 32 000,- i bygdeutviklingsmidlar til å vøle turvegen mellom Dalegarden og Johagen, ved Botlastien, etter utrasinga i 2020. Det vert òg søkt om midlar til grusing av vegen.

Kommunedirektøren finn at søknaden er i samsvar med føremålet til bygdeutviklingsmidlane, og går inn for å løyve inntil kr. 25 000,- til tiltaket. Dette utgjer 78 % av søknadssummen på kr. 32 000,-.

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen, med kr. 500 000,- til fordeling i 2021. Til møtet i november har utvalet kr. 210 000,- til disposisjon.

I søknad av 25.09.21 søker Eldrerådet i Vaksdal kommune, i samarbeid med pensjonistforeiningane på Dale og Vaksdal, om kr. 32 000,- i bygdeutviklingsmidlar til å vøle turvegen mellom Dalegarden og Johagen, ved Botlastien, og gruse delar av vegen. Vegen går over eigedomane til medlemmane av Dalegarden fellesskap.

Bakgrunnen for søkjar sitt engasjement for turvegen, er kvalitetsreformen "Lev hele livet". Denne skal mellom anna skal leggje til rette for meir aldervenlege løysingar der folk bur. I dette høvet vert det vist til gjeldande turveg si tyding for lågterskelturar og fysisk aktivitet i nærmiljøet.

Utrasinga ved Botlastien har gjort turvegen vanskeleg å bruke, spesielt for eldre. Søkjar tek difor initiativ til å vøle dette punktet, og søker om midlar til tiltaket. I tillegg kjem grusing, og budsjetterte kostnader fordeler seg slik:

- Material- og arbeidskostnader med etbalering av bru ved rasstaden : kr. 20 000,- eks mva
- Kjøp av 4 lass med subbgrus : kr. 12 000,-

Planen er at AO-senteret skal lage bru med rekkverk (5x 1,5 m) til bruk ved Botlastien. Pristilbod ligg føre. Fundamentering og grusing skal gjerast på dugnad. Denne innsatsen er ikkje prissett i søknaden.

Søkjar opplyser at turvegen er mykje nytta av folk frå heile kommunen, og strekar under at planlagd utbetring vil gjere det lettare og tryggare å ferdast i området. Tiltaket skal utførast i samråd med grunneigarane, med overlevering etter ferdigstilling.

Formelt grunnlag

- Kommuneleva - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne den 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling>

Vurdering og konsekvensar

I følge retningslinjene for bygdeutviklingsutvalet kan lag og organisasjonar m.fl. søkje om midlar. Gjeldande søknad er fremja av eit politisk oppnemnd fora og foreiningar for fagorganiserte. Tiltaket skal gjerast på vegne av fellesskapet, og kommunedirektøren si vurdering er at søkjar kan søkje om - og få tildelt midlar.

I følge retningslinene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høvet kan det gjevast midlar til materiell og utstyr til ulike prosjekt og stader. Det kan òg gjevast støtte til kurs og kompetanseutvikling, men ikkje til drift.

Tiltaket det vert søkt om finansiering til, handlar om å vøle og utbetre ein turveg i nærmiljøet på Dale. Vegen er lett tilgjengeleg og brukt av mange turgåarar, spesielt dei eldre. På denne måten viser søkjar engasjement og ansvar for eit felles turtilbod, med dei verdiane dette gjev.

Med bakgrunn i vedlagt kostnadsoverslag, vert “godkjent kostnad” med tiltaket sett til kr. 32 000,-

Det er kome inn mange søknadar til gjeldande søknadsomgang, og samla søknadsbeløp er langt større enn tilgjengelege tilskotsmidlar. Ei prioritering er difor naudsynt.

Retningslinene seier at det ved prioritering skal takast omsyn til geografisk fordeling av midlane, og om bygder har fått tilskot ved tidlegare høve. Dette er tilfelle for Dale, samstundes som bygda er utgangspunkt for fleire søknadar ved denne søknadsomgangen. Kommunedirektøren ønskjer likevel å prioritere planlagd utbetring av gjeldande turveg, grunna føremålet med - og nytten av tiltaket.

Med bakgrunn i kriteria for løyving, tilgjengelege midlar og innkomne søknadar, er framlegget å løyve inntil kr. 25 000,- til å vøle turvegen ved Botlastien, og å gjennomføre grusing. Dette er kr. 7 000 mindre enn kva det vert søkt om, og innstillinga utgjer 78 % av søknadssummen og “godkjend kostnad”.